



Relatóriu Monitorizasaun Insidente Violéncia Eleitorál Eleisaun Antesipada Parlamentár 2018

Liu husi, Sistema Atensaun no Responde Sedu (AtReS)

Dili, 30 Agostu 2018



Relatório Monitorização Incidente Violência Eleitoral e Eleições Antecipadas Parlamentares 2018

Konteúdo:

Sumário Executivo	3
Konkluzão Prinsipál Sira	3
Nota Komparatívu Sira.....	3
Rekomendasaun Xave	4
Introdução.....	4
Metodolojia.....	5
Dados ho nia Análize	6
Sesão 1: Incidente Sira Iha Tempu Kampanha Eleisaun Parlamentár	11
Sesão 2: Incidente Sira iha Loron Eleisaun Parlamentár	11
Sesão 3: Incidente Violência Durante Kontajen, Apuramentu Munisípiu to'o Nasionál no Tempu Hasai Rezultadu	11
Análize Komparatívu	11
Konkluzão	12
Rekomendasaun no Asaun Imediatu Iha Períodu Eleisaun Futuru.....	13
Aneksu:.....	15
Lista observador NGO Belun ba eleisaun Parlamentár 2017, inklui observador nasional Belun no Monitorizador AtReS.....	15

Sumariu Ezekutivu

Objetivu relatóriu ne'e mak hatudu dadus insidente violénsia eleitorál husi eleisaun Antesipada Parlamentár 2018, dadus ne'ebé sistema AtReS deteta liuhosi monitorizasaun hahú husi “antes, durante no depois eleisaun”. Resultados husi monitorizasaun ne'e halo kompilasaun, analiza no hakerek relatóriu no identifika rekomendasaun profunda hodi halo submisaun ba governu relevante hanesan Comisaun Nasionál Eleisaun (CNE) no Secretariado Técnico de Administração Eleitorál (STAE), Ministériu Administrasaun Estatal (MAE) ba Parlamentu Nasionál, , Provedoria Direitu Humanus e Justisa hodi hadi'ak ba eleisaun sira iha futuru mai.

Konkluzau Prinsipál Sira

Bazeia ba rezultadu análise Belun nia monitorizasaun krime eleitorál ne'ebé akontese hamutuk (106) iha períodu eleisaun antesipada parlamentar 2018 maibé maioria ladún sériu, iha insidente balun hanesan estraga uma no propriedade seluk no asalta entre ema hatudu nafatin eziste. Resultadu análise ba potencialidade konfliktu husi eleisaun Antesipada Parlamentár 2018, korresponde duni relatóriu husi rezultadu observasaun OIPAS¹ ne'ebé lansa ona iha publika katak 'laiha insidente ne'ebé seriu iha eleisaun antesipada, eleisaun la'ó ho susesu tanba povu ho entuziazmu hakat ba iha sentru votasaun hodi ezerse nia direitu no kontribui ba estabilidade'²

Nota Komparativu Sira

Insidente violénsia ne'ebé akontese iha eleisaun Parlamentár 30 Juñu 2007 mosu insidente hamutuk (162) kompara insidente ne'ebé akontese durante períodu eleisaun parlamentar dia 20 Jullu 2012 insidente violénsia hamutuk (46), “krime eleitorál iha (11) no prosesu irregularidade hamutuk (19)”³ ho total hamutuk (76). Eleisaun Parlamentár iha 2017 iha tinan ida liubá hatudu insidente hamutuk (52).

Kompara ho eleisaun antesipada Parlamentár iha 2018 agora hatudu aumenta número tensaun konfliktu sae no hamutuk (142). Dadus ne'e identifikadu husi sistema observasaun prosesu eleisaun antesipada komesa hahú konsolidasaun, kampaña, votasaun no kontajen ba rezultadu eleisaun, maske nune'e la rezultadu insidente ne'ebé bele dehan grave liu refere liu ba ema mate. Husi número (142) refere ba asaun insidente violénsia detekta insidente hamutuk (36) no insidente krime eleitorál no irregularidade hamutuk (106), klasifika ba insidente (86) refere ba prosesu irregularidade, krime eleitorál iha insidente (9) no insidente seluseluk hamutuk (11).

Husi total insidente tensaun nivel tolu tuituir malu aas mak (39) refere liubá ba uza labarik menicidade ba kampaña polítiku partidu, Kampaña la tuir data no orariu ne'ebé CNE determina hamutuk insidente (22), iha insidente hamutuk (28) refere ba lideransa partidu no seluk halo akuzasaun ba ema seluk maibé la'ós ko'alia kona-ba sira programa partidu.

¹ Observatorio da Igreja Para Os Assuntos Sociais (OIPAS)

² Relatóriu OIPAS: Maioria povu Timor-Leste depozita sira nia konfiansa ba AMP iha eleisaun antesipada, 2018.

³ Krime eleitoral no irregularidade eleitoral tuir Typu Krime Eleitoral Iha Timor-Leste, Kodigu Penal Artigu 229-242.

Relatóriu Monitorizasaun Insidente Violénsia Eleitoral iha Eleisaun Antesipada Parlamentár 2018

ho ema nia asaun fíziku ba sasán ka atributu partidu no insidente hamutuk (36) ho asaun fíziku entre ema nu'udar militante no simpatizante partidu, insidente hotu-hotu kompara ho eleisaun parlamentar 2017 hatudu tensaun sa'e uitoan..

Rekomendasaun Xave

- Husu mós ba lideransa partidu polítiku sira atu:
 - Mantein ho sistema kampaña konsentra hamutuk ho militante no simpatizante sira husi fatin refere de'it, maibé lalika lori massa husi fatin ida ba fatin seluk hanesan husi (postu administrativu ka Munisípiu) relasiona ho asuntu preokupasaun asidente tráfiku no provokasaun entre militante ka massa husi partidu ida ba partidu seluk bainhira halo movimentu ka viajen ba fatin kampaña;
 - Nafatin hatudu maturidade politiku hodi koalia programa deit iha tempu kampana la'ós halo defamasaun ba malu, fo edikasaun ladiak ba gerasaun foun no provoka militante sira halo vviolensia ba malu;
 - Labele lori labarik sira iha kampana tanba rssiku boo ba sira no tanba bandu duni tuir lei eletoral;
 - Husi comunidade hili tuir sira nia kapasidade no vontade lalaika influencia sira ho osan ka sasan gratuita iha tempu kampana.
- Hato'o ba CNE atu reforsa nafatin edukasaun sívika kona-ba eleisaun tama sai suku hamutuk ho Governu lokál nune'e sidadaun hotu-hotu bele kompriende di'ak prosesu tomak eleisaun tanba agora nota nafatin katak ema barak sei la kompriende lala'ok eleisaun no ne'e bele kria potencialidade ba konfliktu. Parte seluk husi edukasaun sívika ne'e oinsá sira hatene direitu no liberdade atu espresa ka ejerse sira nia direitu polítiku tanba nota nafatin katak iha fatin balun ema balu sei obriga no halo intimidasaun ka fó presaan ba ema seluk atu vota tuir sira nian partidu;
- Ba CNE atu bele kontinua fasilita paktu ba dame antes eleisaun involve mos Gabinete Prezidente Republika no Ministeriu Interior – Dirasaun Nasionál Prevensaun Konfliktu Komunitária (DNPCK), hodi ajuda tradús lei eleisaun no kampaña balun iha formatu simples, votante no simpatizante fasil atu kompriende tanba ita nia dadus hatudu katak mudansa regra balun iha kampaña ajuda duni hamenus konfliktu hanesan regra labele lori massa husi postu ida ba fali postu seluk.

Introdusaun

Timor-Leste halo ona nia Eleisaun Parlamentár ba dala haat husi tinan 2002; 2007; 2012 no agora ba eleisaun 2017 no Eleisaun Antesipa ba dala ida ne'ebé realiza iha 2018. Relatóriu ne'e atu buka hatene area ne'ebé mak vulneravel bá konfliktu durante período eleisaun antesipada Parlamentár ne'ebé realiza ona iha dia 12 Maiu 2018 ho número insidente ne'ebé akontese. Belun halo observasaun komesa hahú husi dia 1 Marsu to'o dia 31 Maiu 2018 ho total insidente irregularidade no krime eleitoral hamutuk (106), iha parte seluk insidente violénsia ho asaun Fíziku hamutuk (36) ne'e iha relasaun ho eleisaun antesipada parlamentár 2018. Observasaun kategoria tuir faze ka tempu (iha faze 5) mak tuir mai:

1. Faze konsolidasaun partidu polítiku sira, komesa husi Janeiro to'o dia 9 Abril 2018 iha kondisaun polítiku ba Governu VII sei la to'o tinan 5 tuir mandatu no iha indikasaun forte atu halo eleisaun antesipada parlamentár no partidu polítiku sira komesa halo kondolidasaun ba sira nia militante, depois fó tempu ba militante sira atu halo resensiamentu, Belun observa komesa hahú husi husi dia 1 Marsu too 31 Maiu 2018.

Relatóriu Monitorizasaun Insidente Violénsia Eleitoral iha Eleisaun Antesipada Parlamentár 2018

entretantu Presidente foin halo publikasaun iha dia 26 Janeiro 2018 atu halo eleisaun antesipada parlamentár. Iha eventu ne'e mosu duni konflitu hamutuk (106) atu bele hatene liu bele haree tabela-1;

2. Insidente violencia tuir tabela-2 hamutuk (36), iha tempu konsolidasaun hamutuk (5), Faze ba kampaña partidu polítiku sira, observa komesa hahú husi dia 10 Abril to'o 9 Maiu 2018 no insidente violénsia akontese ho total númeru hamutuk (19);
3. Faze ba lora hakmatek, observa komesa hahú husi dia 10 – 11 Maiu 2018 no mosu nafatin insidente ho total númeru hamutuk (3);
4. Faze iha tempu Eleisaun, observa komesa hahú husi dia 12 Maiu 2018, Oras (06:00 – 07:00 - 15:00) no mosu insidente violénsia ho total númeru hamutuk (6);
5. Faze iha tempu kontajen no apuramentu Munisípiu no Nasionál, observa komesa hahú iha dia 12 Maiu 2018 husi oras 15:15 to'o iha dia 24 Maiu 2018 remata iha oras 24:00 OTL ho total insidente (3), baibain insidente akontese maka'as depois de rezultadu CNE publika rezultadu maibé iha eleisaun ida ne'e insidente mínimu tebes ne'e hatudu katak militante sira komesa iha konsiénsia katak eleisaun nu'udar festa demokrasia ida atu sidadaun hotu-hotu bele espresa sira nia direitu liuhusi votasaun no lakohi ona konflitu.

Dadus ne'ebé hetan husi rezultadu observasaun durante períodu eleisaun antesipada Parlamentár 2018, Belun análiza no sai nu'udar relatóriu ne'ebé apropriadu no halo submissaun ba stakeholders ka parseiru dezenvolvimentu sira atu bele hatene no halo atividade dame, nune'e mós bele konsidera responde rekomendasaun xave no jerál sira, hodi bele halo prevensaun violénsia eleitoral iha kualker eleisaun sira iha futuru mai.

Bazeia ba rezultadu monitorizasaun sistema AtReS ho modelu uza tablet komputador online konsege deteta insidente violénsia eleitoral ho total (36) iha Munisípiu 9⁴, inklui Rejiaun Administrativa Espesial Oecusse Ambeno (RAEOA), maibé Minisípiu Covalima no Ainaru mak la akontese insidente violénsia.

Nune'e ho total (36 + 106 = 142). Ho dadus ne'e hatudu katak eleisaun ne'e bele dehan tensau sae uitoan bainhira kompara ho eleisaun sira iha pasadu.

Metodolojia

NGO Belun ho nia sistema Atensaun no Responde Sedu (AtReS) ho total observadór nasional hamutuk na'in 63 (feto=13 mane=50) ne'ebé halo monitorizasaun ba insidente violénsia foku liubá Eleisaun Antesipada Parlamentár iha períodu 2018. Observadór nain 63 ne'e kompostu husi monitorizadór AtReS ne'ebé estabelese ema nain ida kada postu administrativu ida, hamutuk nain 31 (feto = 8, mane = 23) no ekipa Belun rasik hamutuk 32 (feto = 5, mane = 27). Koordinadór Munisípiu hamutuk 11 haruka mai sistema baze de dadus nasional liu husi tablet komputadór.

Uza rekursu dadus ka formatu rua (2) iha sistema analiza nee rasik maske husi monitorizador ne'ebé hanesan. Rekursu dadus ka formatu primeiru foka deit ba violencia eletoral ne'ebé mosu bele vivolensia fiziku, verbal, psikolojiku no simboliku ne'ebé rejistu iha nee hamutuk 36. Iha mos rekursu dadus seluk ne'ebé foka deit iha krime eletoral ka asaun ne'ebé akontese la tuir lei eletoral maske iha neeba la mosu violencia ba malu, ne'ebé rekolla hamutuk 106.

⁴ AtReS halo observasaun iha Munisipiu: Baucau, Vikeke, Dili, Ainaro, Covalima, Ermera, Bobonaro, Likisa, RAEOA

Relatóriu Monitorizasaun Insidente Violénsia Eleitoral iha Eleisaun Antesipada Parlamentár 2018

Ba kada Postu Administrativu iha monitorizadór nain rua ne'ebé mak halo monitorizasaun ba insidente violénsia, tantu relasaun ho eleisaun no mós ba asuntu jerál konflitu sosiál sira seluk, nune'e mós tau matan ba mudansa situasaun iha aspetu ekonómiku, sósiu-kulturál, polítiku no mós relasaun externál.

Iha nivel Postu Administrativu, Monitorizadór sira servisu hamutuk ho Koordinadór Munisípiu (KM), Rede Prevensaun no Responde Konflitu (RPRK) sira hodi rekolla dadus insidente no halo verifikasaun depois haruka liuhosi tablet komputer ba sistema online data portal. Tuir mai ekipa jesor AtReS Belun nasionál hodi halo kompilasaun, analiza no hakerek relatóriu ho rekomendasaun atu uza hodi halo advokasia ba parseiru dezvoltamentu sira hotu iha Timor-Leste.

Dadus Krime Eleitoral ho nia Análize

Bazeia ba rezultadu monitorizasaun Belun liu husi Sistema Atensaun no Responde Sedu (AtReS)⁵ husi insidente violénsia eleitoral ne'ebé akontese **'antes, durante no depois'** votasaun iha eleisaun Antesipada Parlamentár ne'ebé realiza ona iha dia 12 Maiu 2018.

Deskripsaun Irregularidade no Krime Eleitoral	Nú. Irregularidade de no Krime
Kampaña partidu lori labarik minoridade sira.	38
Kampaña la tuir data no orariu ne'ebé CNE determina ona.	16
Halo akuza ba ema seluk la'ós ko'alia programa partidu.	12
Fó osan ba koordinador, grupu ka ema balun atu fó influensia ba ema iha baze hodi vota ba sira nia partidu - (sosa votus).	11
Seluseluk	8
Uza atributu partidu iha lora votasaun (kamizola, sapeu nst.)	5
Ema balu uza propriedade estadu ba kampaña - (lori kareta estadu etc.)	2
Ameasa ema ka comunidade hodi vota ba partidu balu.	2
Hasai foto iha kabina de votu.	1
Fó materiál konstrusaun ba militante.	5
Militante partidu balu halo kobransa ba comunidade.	1
Joven tolok Lider Partidu sira.	2
Konsolidasaun la'o la tuir oras ne'ebé CNE determina ona.	1
Mudansa ba fatin kampaña.	1
Uza simbolu artemarsiais iha sentru	1
Total Irregularidade no Krime eleitoral	106

Tabela-1: Númeru Krime eleitoral no irregularidade Sira iha eleisaun antesipada Maiu 2018.

Tempu **'antes'** mak observaun refere liubá tempu konsolidasaun no kampaña husi Partidu Polítiku sira no inklui mós lora hakmatek nian. Observasaun iha **'durante'** mak haree liubá lora eleisaun no **'depois'** mak haree liubá prosesu tomak kontajen no apuramentu nivel Munisípiu no Nasionál. Ho observaun husi faze ba faze iha (faze 5) tuir tabela-2 sorin konsege detekta insidente violénsia eleitoral ne'ebé akontese ba prosesu tomak eleisaun komesa hahú to'o remata iha prosesu harii ka formasaun Oitavu Governu.

Dadus Insidente Violénsia Uza Fíziku iha Prosesu Eleisaun Antesipada 2018

Husi rezultadu observaun komesa husi dia 1 Marsu to'o dia 31 Maiu 2018, observadór Belun 63 konsege deteta insidente violénsia eleitoral ho númeru total insidente hamutuk (36), kompara ho eleisaun 22 Julu 2017 ho númeru insidente (52) hatudu katak hetan diminuisaun (16). Bazeia ba diagrama kurva-1 hatudu katak iha tempu konsolidasaun partidu polítiku sira no resensiamentu eleitoral husi nasionál ba baze akontese insidente (5) iha Ermera no Vikeke mosu insidente 2 no Oekuse iha insidente 1 de'it.

Análize komparaun ho insidente violénsia eleitoral husi 2007 to'o mai 2018 sempre mosu insidente barak liu akontese iha tempu ka lora kampaña, eleisaun Parlamentár 12 Maiu 2018 foin liubá hatudu duni nafatin katak iha tempu kampaña númeru sa'e ho total insidente hamutuk (19) maibé karik ita kompara ho eleisaun parlamentár 22 Julu 2017 iha tempu kampaña ho insidente (19 - 31 = -12), ne'e hatudu katak númeru insidente hetan diminuisaun ba (12). Iha lora rua nia laran iha tempu hakmatek mosu insidente (3) de'it no ne'e hetan tun maka'as. Depois iha lora rua nia laran, sa'e filafali iha tempu ka lora ema ba tuir votasaun

⁵ S

istema Atensaun no Responde Sedu (AtReS) kobre iha Postu Administrativu 43 (husi total 65), iha Suku 275 (husi total 452) iha Munisípiu 12 no Rejiaun Autonomia Espesial Oekusi Ambenu.

Relatóriu Monitorizasaun Insidente Violénsia Eleitoral iha Eleisaun Antesipada Parlamentár 2018

ne'ebé observasaun komesa hahú husi oras 06:00 hodi haree liubá tempu prosesu preparasaun de votu hanesan – (preparasaun materiál 'sensitivu no mós non sensitivu'⁶, Presidente Sentru Votasaun ho sira nia ekipa Brigadista no Poling Staff husi STAE. Fiskais hotu-hotu husi partidu polítiku sira no kolegasau AMP ne'ebé hamutuk 8. Observasaun kontinua iha oras hahú no remata votasaun komesa husi oras tuku 07:00 – 15:00 OTL. Depois nune'e iha dia 12 Maiu 2018, observasaun kontinua husi oras 15:00 no remata iha oras 24:00 to'o dia 31 Maiu 2018, maibé tuun fali uitoan ho número insidente (3). prosesu ne'e refere liu ba prosesu kontajen, apuramentu nivel Munisípiu no Nasionál no hasai rezultadu eleisaun ninian.

Tempu ba Prosesu Tomak Eleisaun		Fulan	Nú. Insidente	Número Insidente kada tempu	Número Insidente kada Fulan
Antes Eleisaun	Tempu konsolidasaun no resesiamentu Eleitoral Partidu Polítiku Sira Hahú husi dia 1 Marsu to'o diak 9 Abril 2018	6 Marsu	1	5	4
		15 Marsu	1		
		22 Marsu	1		
		29 Marsu	1		
		6 Abril	1		
	Tempu Kampania Partidu Polítiku Sira Hahú husi (10 Abril - 9 Maiu 2018)	13 Abril	2	19	11
		14 Abril	1		
		21 Abril	1		
		22 Abril	1		
		23 Abril	1		
		24 Abril	1		
		25 Abril	1		
		28 Abril	2		
		1 Maiu	1		
		2 Maiu	1		
		5 Maiu	2		
		7 Maiu	1		
		8 Maiu	3		
		9 Maiu	1		
	Tempu Hakmatek	11 Maiu	3	3	21
Durante Eleisaun	Tempu Eleisaun Hahú husi 07:00 - 15:00	12 Maiu	6	6	
Depoi Eleisaun	Tempu kontajen, apuramentu Munisípiu	13 Maiu	2	3	
		17 Maiu	1		
Totál Insidente			36	36	36

Tabela-2: Número Insidente Violénsia bazeia ba Belun nia monitoriasaun hahú husi dia 1 Marsu to'o 31 Maiu 2018


Analiza tuir tipu insidente, husi total (36), uza forsa ka asaun fíziku ho maneira asalta malu, tuda malu, baku malu, baku ema rejista insidente hamutuk (23), uza asaun fíziku ba sasan hanesan estraga atributu partidu, hatuun bandeira no estraga airin bandeira iha rejista insidente hamutuk (6), diskute malu ho liafuan rejista insidente hamutuk (4) no sosa votu ho sasan hodi kria tensaun entre militante iha insidente (2) no obriga ema atu vota partidu iha insidente (1).

Análize bazeia ba aspeitu jéneru:

Husi insidente ho total 36 ne'e, sai perpetrador haree husi aspeitu jéneru mak (Mane = 31; Feto = 1; LGBTI = 1 no deskoñesidu = 3). Parte vítima mak (mane = 18; Feto = 14; LGBTI = 1 no deskoñesidu = 3).

Insidente aas liu iha nível Munisípiu bele haree direta diagrama koluna-1 letan, no nivel Postu administrativu ne'ebé akontese insidente ho asaun fíziku ho número aas liu akontese iha Oekuse Postu Administrativu Pante Makasar rejista (10); Tuir mai mak Postu Letefoho Ermera rejista (6) no ba nivel terseiru mak Uatulari ho número insidente hamutuk (5), atu hatene di'ak liu bele haree tabela-3 letan.

Bazeia ba dadus ne'ebé halo ona kompilasaun husi dia 1 Marsu to'o Maiu 31 2018, bazeia ba tabela-2 hatudu katak insidente ne'ebé akontese iha fulan Marsu hamutuk (4) iha tempu konsolidasaun no resesiamentu eleitoral. Iha fulan Abril 2018 mosu insidente hamutuk (11) no insidente ne'ebe akontese iha fulan Maiu hamutuk (21). Insidente ne'ebé akontese depois de



Diágrama Koluna-1: Insidente ho asaun Fíziku entre ema ho ema no ema ho sasan atributu Partidu Polítiku Sira

⁶ Material sensitivu mak hanesan (urna, tinta, buletin de votu) no material non sensitivu mak kabina, lista votante, etc.

Relatóriu Monitorizasaun Insidente Violénsia Eleitorál iha Eleisaun Antesipada Parlamentár 2018

eleisaun refere liu ba asaun fíziku entre ema mak insidente iha (1) de'it mosu iha tempu prosesu kontajen Munisípiu no nasionál iha insidente (3).

Kronólójia ne'ebé akontese iha loron votasaun:

Bairu Ulu Atin, Suku Tapo/Memo, Postu Administrativu Maliana, iha loron sabadu, dia 12 Maiu 2018. Militantes partidu AMP ho Militantes partidu Fretilin tuda malu. Militantes AMP la simu rezultadu kontajen iha sentru votasaun EP Tapo Memo. Insidente refere hetan atuasaun hosi PNTL no F-FDTL no militantes sira dame malu iha fatin refere.

Iha data 12 Maiu 2018 oras 09:00 dadeer iha bairu Madin iha sentru votasaun suku Costa, Pante Makasar, RAEOA, militantes nain 1 atu ba vota, maibé lakonsege vota tanba verifika dadus eleitorál iha data moris lahanesan nune'e esplika husi presidente da meja ho klaru, maibé militante refere la simu hamosu diskuti malun defende atu vota nafatin, iha tempu nee kedas presidente meja bolu PNTL halo atua no lori kedas ba STAE atu esplika ho loloos.

Insidente ne'e akontese iha Aldeia Goulolo, Suku Goulolo, Postu Administrativu Lete-Foho, Munisípiu Ermera. Iha loron 12 Juñu 2018 horas 09:30 dadersan, militantes partidu polítiku mak involve iha insidente ne'e, problema militantes baku malu entre militantes partidu polítiku, tanba hemu tua lanu, problema ne'e akontese wainhira mane ida husi partidu AMP hemu lanu hodi militantes husi partidu seluk, problema hetan prevensaun husi PNTL hodi prosesa tuir lei.


Iha Aldeia Lutulala, Suku Haupu, Postu Administrativu Lete-Foho, Munisípiu Ermera. Iha loron 12 Maiu 2018 horas 11:00 dadersan. Militantes husi partidu polítiku mak involve iha insidente ne'e, problema deskute malu tanba taru osan, problema ne'e akontese iha tempu eleisaun tanba iha tempu ne'eba militantes sira taru sé mak manan no sé mak lakon to iha rezultadu finál hatudu parte ida lakon nune'e hamosu tensaun konfliktu entre militantes sira maibé problema ne'e rezolve husi PNTL.

Insidente ne'e akontese iha Aldeia Sabelo, Suku Dukurai, Postu Administrativu Lete-Foho, Munisípiu Ermera. Iha loron 12 Maiu 2018 horas 17:30 lokraik. Militantes husi partidu polítiku sira mak involve iha insidente violénsia. Problema haksesuk malu entre militante AMP no PD ho Fretilin. Tanba taru osan iha tempu eleisaun, wainhira rejultadu eleisaun sura hotu partidu koligasaun AMP manan nune'e sira provoka malu hodi tarata malu maibé problema hetan atuasaun husi PNTL.

Insidente nee akontese iha Suku Gugleur, Aldeia Raenaba, Baito Pahuirobu, iha data 12 Maiu 2018, Insidente nee involve autór/grupu organizadu ne'ebé kompostu husi ema nain 10, insidente ne'e akontese baihira PNTL akompaña materiál sensitivu mai STAE Munisípiu mak hetan tuda husi grupu deskonessidu Insidente ne'e mosu tanba grupu organizadu sira mak tuda wainhira kareta Polísia akompaña materiál sensitivu mai Munisípiu, maibé Polísia konsege kaer autór nain rua, insidente ne'e agora dadaun iha ona parte Polísia hodi halo investigasaun.

Insidente Depois de Votasaun:

Insidente nee akontese iha Suku Vatuvou, Aldeia Vatunau, Bairro Ekali, Insidente ne'e akontese iha data 13 Maiu 2018, Insidente ne'e involve autór ho vítima, akontese Autór tarata no tolok Vítima ho Lider Partidu Fretilin,



Relatóriu Monitorizasaun Insidente Violénsia Eleitorál iha Eleisaun Antesipada Parlamentár 2018

Insidente ne'e mosu tanba Autór sira tarata no tolok Lider Partidu Fretilin, tanba ne'e vítima nu'udar funsionariu nia parte ba dehan ba autór sira atu para ona no la bele tolok arbriu lider nasaun sira, maibé autór la simu hodi tarata tan fali vitima, insidente ida ne'e agora dadaun iha ona Polisia.

Iha dia 13 Maiu 2018, oras tuku 20:00 kalan, iha suku Teqinomata, iha aldeia Kaikasalari, postu administrativu Laga, Munisípiu Baucau, akontese grupu comunidade halo ameasa fíziku ba grupu comunidade seluk, tanba asuntu polítiku. Insidente ne'e akontese, tanba deskonfia dehan vítima sira mak fó apoiu ba bloku AMP hodi manán iha eleisaun antesipada. impaktu husi insidente ne'e halo vítima sira no comunidade seluk ta'uk no preokupadu, maibé insidente ne'e la rezulta estraga sasán no la rezulta ema kanek no mate, tanba hetan intervensaun lailais husi PNTL no F-FDTL.

Husi insidente hamutuk (24) ne'ebé akontese ho asaun fíziku entre ema ho ema no sériu mak hanesan:

Iha dia 25 Abril 2018, Iha oras mais ou menus tuku 16:15 lokoraik, iha Suku Teqinomata, Aldeia Kaikasalari, Postu Administrativu Laga, Munisípiu Baucau. Akontese militante no simpatizante partidu polítiku halo asaltu fíziku ba malu, tanba laran moras no odio vigansa kona-ba problema entre eís grupu arte marsiais nune'e mós problema entre partidu polítiku inklui problema pasadu. Insidente ne'e akontese bainhira militante no simpatizantes bloku AMP fila husi fatin kampaña iha Aldeia Samagia, Suku Teqinomata Postu Administrativu Laga, atu ba fali sira nia nia fatin. Maibé to'o iha dalan militante no simpatizantes halo provokasaun ba militante no simpatizantes partidu polítiku

Munisípiu	Totál Insidente nivél Munisípiu	Postu Administrativu	Nú. Insidente nivél Postu	Deskripsaun Tipu Violénsia
Baucau	3	Baucau Vila	1	Baku malu
		Laga	1	Ameasa Fíziku
			1	Asalta Fíziku ba malu
Bobonaro	3	Atabae	2	Baku malu (1) ; Baku ema (1)
		Maliana	1	Tuda malu
Dili	2	Cristo Rei	1	Tuda militante fo fatuk
		Dom Aleio	1	
Ermera	9	Hatulia	3	Hatuun Bandeira Partidu (2), baku malu (1),
		Letefoho	6	Tuda no ameasa malu (1), kuda kareta partidu (1), militante baku malu (2), diskute malu lia-fuan (2)
Likisa	4	Likisa Vila	1	Baku ema
		Bazartete	2	Asaun Fíziku ba sasan militante partidu (1); Tuda CNE nia kareta (1);
		Maubara	1	Tolok lider istoriku
Oekusi	10	Pante Makasar	10	Baku malu (5); Istoriku malu (1); Hatuun Bandeira Partidu (1); Sosa votu ho sasan no militante protesta malu no tensaun sa'e (2); Obriga no ameasa ema hodi vota (1)
Vikeke	5	Uatulari	5	asalta no tuda malu (2); tolok lider istoriku ho asaun Fiiku (1); Istraga airin banbeira (1); Ameasa Fíziku ho katana (1);
Totál Insidente	36		36	

Tabela-3: Insidente Fíziku iha Eleisaun Antesipada 12 Maiu 2018

Fretilin ho lia fuan provokasaun nune'e mosu violénsia. Impaktu husi insidente ne'e estraga militante no simpatizantes partidu Fretilin nia motor tolu (3), kareta ida, no uma sia (9) tanba hetan tuda no baku. Alein de ne'e militante husi bloku AMP nain rua mós hetan kanek tanba monu ho motor bainhira halo provokasaun. Insidente ne'e prosesu ona iha polisia tuir lei ne'ebe vigora iha RDTL.

Iha dia 5 Maiu 2018, iha suku Makadiki Postu Administrativu Uatulari Munisípiu Vikeké mais ou menus oras 16.30 lokoraik, militantes Partidu Polítiku Bloku koaligasaun AMP fila husi kampaña jerál nivél munisípiu, bainhira fila husi kampaña to iha suku Makadiki hetan asaltu

Relatóriu Monitorizasaun Insidente Violénsia Eleitorál iha Eleisaun Antespada Parlamentár 2018

husi Militantes Partidu Fretilin, tuda ho fatuk dala barak ba militante sira ho karreta rezulta vitima hamutuk 16 kanek todan ema nain rua (feto ida no mane ida), karreta 2 maka hetan estragus. Iha akontesimentu ne'e hetan atuasaun direta kedas husi PNTL no F-FDTL no insidente refere sei iha prosesu investigasaun.

Dadus Prosesu Eleisaun Antespada ho indikasaun Irregularidade no Krime Eleitorál

Tuir tabela-1 hatudu katak durante prosesu kampaña partidu polítiku hatudu katak totál númeru tensaun relasiona ho irregularidade no krime eleitorál hamutuk (106). Númeru hirak ne'e maihusi indikasaun oioin hansean barak mak uza labarik sira hodi kampaña nu'udar númeru aas liu hamutuk (38), tuir fali mai mak kampaña la tuir data ka orariu ne'ebé CNE determina ona. Ba nivel terseiru mak lider sira la'ós atu kampaña hato'o programa sira ba povu maibe isulta malu fali. Irregularidade seluseluk bele haree tabela-1 sorin.

Ho diagrama koluna-2 ne'e bele define katak husi nivel Munisípiu ne'e irregularidade aas liu tuituir malu mak nivel primeiru insidente barak liu akontese iha Munisípiu Dili ho númeru insidente hamutuk (32), nivel segundu mak Ainaro ho insidente (15) no parte terseiru mak Oekusi ho insidente insidente (13)

Insidente menus liu tolu tuituir malu mak: Nivel primeiru menus liu akontese iha Munisípiu Bobonaro ho insidente (4), Likisa ho insidente (5) no nivel terseiru mak hanesan Baucau. Munisípiu Covalima no Ainaro hatudu la akontese insidente relasiona ho eleisaun antespada Parlamentár 2018.

Totál insidente violénsia eleitorál ne'ebé akontese iha nivel Postu Administrativu ba pozisaun aas liu nivel primeiru akontese iha Postu Administrativu Baucau ho númeru insidente hamutuk (10); nivel segundu iha Postu Administrativu Dom Aleixo no Lautein ho Insidente hamutuk (4) ba kada Postu, no nivel terseiru mak Postu Administrativu Cristo Rei, Lospalos, Oesilo, Remexiu no Vikeké ho númeru insidente hamutuk (3) ba kada Postu no seluk bele haree iha tabela-2 sorin.

Insidente akontese ho tipu oioin tuir mai

1. Militante halo provokasaun ba malu iha tempu kampaña no prosesu kontajen de votu, ne'ebé akontese insidente violénsia, (ezemplu: ho lia-fuan hatún malu (defamasaun), hakilar malu, tuda malu no baku malu. Lees no na'ok atributu partidu hanesan bandeira, stiker sira no seluseluk tan);




Diagrama Koluna-2: Númeru Irregularidade no krime eleitorál husi eleisaun antespada Maiu 2018





Diagrama Koluna-3: Fatin akontesimentu krime eleitorál no irregularidade eleisaun antespada Maiu 2018

Relatóriu Monitorizasaun Insidente Violénsia Eleitorál iha Eleisaun Antesipada Parlamentár 2018

2. Insidente akontese autór tarata no tolok lider Partidu balu, no militante partidu ne'e la simu;
3. Obriga ema seluk atu vota nia partidu tanba ema ne'e la koho tuir;
4. Votante no ofisiál iha sentru votasaun haksesuk malu, tanba votante sira balun seidak komprende ho di'ak regra no prosesu eleisaun, akontese insidente hamutuk (4), (ezemplu: Eleitór balu la hatene kona-ba prosesu eleisaun ho klaru);
5. Votante balun hatene regra eleisaun maibé lakoho halo tuir duni regra eleisaun nian, akontese insidente, (ezemplu: hasai foto iha kabina laran ba buletin de votu ne'ebé tu'u ona) no seluk ema balu mai tuir votasaun ho uza atributu partidu nian).

Sesaun 1: Insidente Sira Iha Tempu konsolidasaun ho resensiamentu no Kampaña Eleisaun Parlamentár

Bazeia ba tabela-1 hatudu katak insidente ne'ebé akontese durante tempu konsolidasaun no resensiamentu hahú husi dia 1 Marsu to'o 6 Abril 2019 mosu insidente ho total (5). Iha tempu kampaña ka antes eleisaun husi dia 13 Abril to'o 9 Maiu 2018 hamutuk número insidente (19), akontese barak liu iha Munisípiu tolu tuituir malu hanesan Oekuse (10), Ermera (9) no Vikeke (5).



Kurva-2: Total Insidente Eleisaun Parlamentár periodu husi 2007 to'o 2018

Sesaun 2: Insidente Sira iha Loron Eleisaun Parlamentár

Bazeia ba tabela-1 hatudu katak insidente ne'ebé akontese iha tempu eleisaun iha dia 12 Maiu 2018, observasaun komesa hahú husi oras 06:00 dadersan iha faze preparasaun, oras 07:00 tempu hahú votasaun to'o remata iha oras 15:00 loraik iha número insidente ho total (6).

Sesaun 3: Insidente Violénsia Durante Kontajen, Apuramentu Munisípiu to'o Nasionál no Tempu fo sai Rezultadu

Haree husi tabela-1 fó indikasaun katak insidente ne'ebé akontese depois de eleisaun, liu uitoan oras 15:00 ba leten to'o dia 12 Maiu 2018 no remata iha oras 24:00 to'o 31 Maiu 2018 maske tempu la fixtu maibe atividade kontajen ho apuramentu mak fixtu. Iha tempu kontajen no apuramentu iha nivel Munisípiu no Nasionál mosu insidente hamutuk (3).

Análize Komparativu

Insidente violénsia eleitorál ne'ebé akontese iha eleisaun Parlamentár husi 28 Maiu to'o 9 Agostu 2007 ho total número insidente hamutuk (162) iha territóriu Timor-Leste. Kompara ho eleisaun Parlamentár iha dia 4 Juñu to'o 20 Jullu 2012 ho total número insidente hamutuk (76).

Iha eleisaun parlamentár 2017 husi tempu kampaña husi 20 Juñu to'o tempu eleisaun 22 Jullu no tempu apuramentu, rezultadu no formasaun governu hatudu número insidente (52), ne'e hatudu tun maka'as kompara ho eleisaun parlamentár 2007 hanesan ($52 - 162 = -110$), ne'e hatudu katak insidente hetan diminuisaun to'o (110). Kompara ho número insidente iha

Relatóriu Monitorizasaun Insidente Violénsia Eleitorál iha Eleisaun Antesipada Parlamentár 2018

eleisaun Parlamentár 20 Jullu 2012 ho eleisaun 22 Jullu 2017 hatudu katak tun nafatin hanesan ($52 - 76 = -24$). Kompara ho insidente violénsia ne'ebé akontese iha eleisaun antesipada 12 Maiu 2018 tuun nafatin to'o númeru insidente hamutuk 36 katak ($36 - 52 = -16$), signifika katak iha diminuisaun.

Ho referénsia no esperiénsia husi rezultadu observaun komesa husi 2007, 2012, 2017 to'o eleisaun antesipada 2018 hatudu duni katak eleisaun husi períodu ba períodu iha mudansa diminuisaun ne'ebé signifikante. Nu'udar país foun ne'ebé hahú dezvoltamentu iha multi sektorál liuliu ba asuntu Direitu Umanus no demokrasia hatudu ona susesu no mudansa ne'ebé signifikante tebe-tebes.

Pontu interesante ne'ebé sai referénsia importante katak baibain iha rai post konflitu seluk hanesan Uganda, Rwanda iha tinan 2016⁷ ne'ebé halo eleisaun antesipada too ikus falla iha formasaun governu no governu la la'o to'o tinan balun maibé iha Timor-Leste foin akontese eleisaun antesipada maibé la rezulta impase politiku ne'ebé sériu. Prosesu festa demokrasia ne'ebé foin lalais liubá sai esperiénsia no ezemplu di'ak ba nasaun seluk iha mundu. Ne'e hatudu katak nivel konsiénsia sidadaun komesa iha mudansa. Povu agora komesa hatene aan nu'udar sidadaun hatene nia direitu no dever ho di'ak.

Konkluzaan

Bazeia ba rezultadu análize Belun ho insidente ne'ebé akontese hamutuk (36), rezultadu análize ba potensilidade konflitu husi eleisaun Parlamentár loron 12 Maiu 2018 la hamosu konflitu ne'ebé sériu no eskalasaun konflitu tuun ba beibeik.

Husi insidente ho total (36) barak akontese iha tempu kampaña tanba to'o agora militante no simpatizante sira husi partidu polítiku ida-idak sempre uza eventu ne'e hodi provoka malu, sadik malu hodi halo barrullu iha kampaña. Dadus hatudu ona katak husi períodu tolu ona komesa husi eleisaun parlamentár 2007, 2012, 2017 no 2018 númeru insidente sempre aas liu iha tempu kampaña kompara tempu eleisaun ka depois eleisaun.

Insidente husi períodu ba períodu sempre tun, análize komparaun eleisaun ba dala haat tanba bele rekoñese ne'ebé teni iha leten katak iha relatóriu barak ho nia rekomendasaun husi organizaun sosiedade sivil hanesan NGO Belun, Fundasaun Mahein, OIPAS, Lao Hamutuk no seluseluk tán ba CNE, STAE no partidu polítiku sira atu hadi'ak prosesu no hatudu duni katak iha mudansa ne'ebé diak tebetebes.

Asaun seluk ne'ebé consege minimiza tensaun konflitu iha tempu eleisaun mak NGO Belun nia planu asaun ho apoiu finanseiru hodi hala'o edukasaun sívika tama-sai suku kona-ba dame, demokrasia no ema ka sidadaun nian direitu polítiku. Asaun konketu ba asina "Paktu Unidade Nasionál" ne'ebé envolve lideransa estrutura Partidu Polítiku sira iha nivel nasional ne'ebé Rede Nasionál Prevenaun Konflitu (RNPK) halo liu husi Diresaun Nasionál Prevenaun Konflitu Komunitária (DNPCK) iha Sekretáriu Estadu Defeza no Seguransa.

NGO Belun nia observaun durante kampaña, partidu polítiku sira balu uza duni modelu kampaña ho di'ak tuir rekomendasaun NGO Belun leten, Partidu sira ne'e aplika duni iha modelu kampaña katak estrutura nasional partidu mak ba vizita sira nia militante, simpatizante no komunidad sira seluk iha Postu Administrativu balun hodi halo kampaña direta iha fatin refere. Modelu ne'e hatudu duni katak la hamosu insidente violénsia no

⁷ <https://www.dw.com/en/has-democracy-failed-in-africa/a-38426656>

Relatóriu Monitorizasaun Insidente Violénsia Eleitoral iha Eleisaun Antesipada Parlamentár 2018

konfliktu ne'ebé aas no mós laiha asidente tráfiku iha tempu tomak eleisaun parlamentár 12 Maiu 2018.

Insidente sira ne'e akontese tanba ho entre militante ka apoiante halo provokasaun ba malu iha tempu kampaña no prosesu kontajen de votu ho hatún malu, hakilar malu to'o balun tuda malu no baku malu. Militante no simpatizante sira ladún pruntu atu simu rezultadu iha oras kalan bainhira sira asiste no rona katak sira nian partidu la manán. Insidente seluk mak ema balu uza eventu ne'e hodi taru osan ba partidu polítiku sira nian manán votu maioria mutlak no parte ne'ebé lakon, sira kria konfuzsaun. Parte seluk mak votante no ofisiál iha sentru votasaun seidak komprende ho di'ak regra no prosesu eleisaun. Ida seluk mak votante balun hatene regra eleisaun maibé lakohi halo tuir duni regra eleisaun nian no mai vota ho uza atributu partidu nian.

Maske frakeza no preokupasaun nafatin akontese maibé análise ho dadus númeru insidente ne'ebé ki'ik liu (36 insidente) kompara ho eleisaun sira iha pasadu hatudu katak prosesu festa demokrasia iha Timor-Leste komesa hatudu pozitivu kompara ho nasaun post konfliktu sira seluseluk iha mundu. Pontu importante ne'ebé prezisa valoriza mak Timor-Leste nu'udár nasaun foun no foin primeira ves halo eleisaun antisipada maibé la rezulta konfliktu ne'ebé polítiku ne'ebé sériu, ne'e hatudu duni katak nivel konsiénsia povu komesa avansadu.

Realidade analiza ho referénsia dadus husi CNE katak 'total eleitor ne'eb'e rejista hamutuk 760, 907; konfirmadu votante hotu ne'ebé tuir vota mak 583,956 ka (76.74%); konfirmadu votante ne'ebé la tuir vota mak 176,951 ka (23.26%); votus validu 568,070 ka (97.28%); votus invalidu 15,817 ka (2.72%)⁸ no ne'e hatudu ki'ik liu. Kompara ho padraun husi CNE iha Timor-Leste susesu dia'k tanba porsentajen númeru partisipasaun sidadaun iha eleisaun parlamentár foin liubá hamutuk (76.74%).

Rekomendasaun no Asaun Imediatu Iha Períodu Eleisaun Futuru

Eleisaun Parlamentár ne'ebé kompete no envolve eleisaun antesipada parlamentár 12 Maiu 2018 hamutuk artidu polítiku 8 no partidu kolegasaun (AMP). Tanba nee, Belun rekomena:

Ba lider Partidu Politiku sira atu:

- Mantein ho sistema kampaña konsentra hamutuk ho militante no simpatizante sira husi fatin refere de'it, maibé lalika lori massa husi fatin ida ba fatin seluk hanesan husi (postu administrativu ka Munisípiu) relasiona ho asuntu preokupasaun asidente tráfiku no provokasaun entre militante ka massa husi partidu ida ba partidu seluk bainhira halo movimentu ka viajen ba fatin kampaña;
- Nafatin hatudu maturidade politiku hodi koalia programa deit iha tempu kampana la'ós halo defamasaun ba malu, fo edikasaun ladiak ba gerasaun foun no provoka militante sira halo vviolensia ba malu;
- Labele lori labarik sira iha kampana tanba rssiku boo ba sira no tanba bandu duni tuir lei eletoral;
- Husik comunidade hili tuir sira nia kapasidade no vontade lalaika influencia sira ho osan ka sasan gratuita iha tempu kampana.

⁸ Dadus foti husi website Comissão Nacional de Eleições/CNE – (www.cne.tl), Eleisaun Parlamentar 22 Julu 2017 – Rezultadu/sistema ba apuramentu nasonál – Rezumu.

Relatóriu Monitorizasaun Insidente Violénsia Eleitorál iha Eleisaun Antesipada Parlamentár 2018

Ba orgaun Estadu:

- Hato'o ba CNE atu reforsa no haburas edukasaun sívika kona-ba eleisaun tama sai suku hamutuk ho Governu lokál nune'e sidadaun hotu-hotu bele kompriende di'ak prosesu tomak eleisaun tanba agora nota nafatin katak ema barak sei la kompriende lala'ok eleisaun no ne'e bele kria potencialidade ba konflitu. Parte seluk husi edukasaun sívika ne'e oinsá sira hatene direitu no liberdade atu espresa ka ejerse sira nia direitu polítiku tanba nota nafatin katak iha fatin balun ema balu sei obriga no halo intimidasaun ka fó presau ba ema seluk atu vota tuir sira nian partidu;
- Ba CNE atu bele kontinua fasilita paktu ba dame antes eleisaun involve mos Gabinete Prezidente Republika no Ministeriu Interior – Dirasaun Nasionál Prevensaun Konflitu Komunitária (DNPKK), hodi ajuda tradús lei eleisaun no kampaña balun iha formatu simples, votante no simpatizante fasil atu komprende tanba ita nia dadus hatudu katak mudansa regra balun iha kampaña ajuda duni hamenus konflitu hanesan regra labele lori massa husi postu ida ba fali postu seluk;
- Nota katak durante ne'e prosesu rekrutamentu ba poling staf iha indikasaun familiarizmu. Tanba ne'e hato'o ba STAE atu hatudu profesionalizmu iha prosesu rekrutamentu ba brigadista no poling staf atu lahamosu enveja sosial no kriskriminasaun iha komunidadade, di'ak liu rekruta prosesu vaga nakloke hamutuk ho lider komunitáriu sira hodi garantia transparánte no akuntabilidade.

Ba votante sira atu:

- Komprende prosesu demokrasia iha eleisaun katak ema iha liberdade atu hili ka inklina'an ba partidu ida laiha intimidasaun ka obligasaun husi ema ka orgaun seluk;
- Votante sira hili tuir konsiénsia la'ós bazeia ba premiu ka osan ne'ebé simu ka promesa husi lider partidu balu.

Relatóriu Monitorizasaun Insidente Violénsia Eleitorál iha Eleisaun Antesipada Parlamentár 2018

Bibliografia:

- NGO Belun nia relatóriu “Monitorizasaun Ba Insidente Violénsia Eleitorál iha Eleisaun Parlamentár 28 Maiu to’o 9 Agostu 2007;
- NGO Belun nia relatóriu “Monitorizasaun Ba Insidente Violénsia Eleitorál iha Eleisaun Parlamentár 4 Juñu to’o 20 Jullu 2012;
- NGO Belun nian relatóriu “Monitorizasaun Ba Insidente Violénsia Eleitorál iha Eleisaun Prezidensial, 9 Marsu to’o 16 Abril 2012;
- NGO Belun nia relatóriu “Monitorizasaun Insidente Violénsia Eleitorál iha Eleisaun Prezidensiál 2017, Dili 20 Abril 2017;
- Decreto do Governo N.º 16/2017 de 12 de Maio, Regulamento Sobre a Apresentação de Candidaturas para a Eleição dos Deputados ao Parlamento Nacional Decreto do Governo N.º 17/2017 de 12 de Maio;
- Regulamenta as actividades de fiscalização, observação e de cobertura mediática da eleição dos Deputados ao Parlamento Nacional Decreto do Governo N.º 18 /2017 de 12 de Maio;
- Regulamento da Campanha Eleitoral Lei N.º 9/2017 de 5 de Maio, Quarta Alteraçã Lei N.º 6/2006 de 28 de Dezembro, Lei Eleitoral para o Parlamento Nacioal;
- Relatóriu Fundasaun Mahein kona-bá Observasaun Eleisaun Prezidente Repúblika 2017, Mahein Nia Lian Nú. 121, loron 6 Abril 2017; Relatóriu Fundasaun Mahein kona-bá Lalatak Konflitu iha Eleisaun Jerál 2017; Relatóriu Observasaun ba Eleisaun Parlamentár 2017, Mahein Nia Lian Nú. 124, 31 Jullu 2017;
- Deklarasaun Preliminár Da uluk 22 Marsu 2017, husi ‘Misaun Observasaun Eleitorál husi Uniaun Europeia’, Timor-Leste, Eleisaun Prezidensial no Lejizlativa, 2017;
- Deklarasaun Preliminár Da uluk 22 Marsu 2017 – Timor-Leste Organiza Eleisaun Prezidensiál ne’ebé La’o ho Di’ak no Hakmatek husi Uniaun Europeia;
- Konferénsia Imprensa Eleisaun Prezidensiál 2017 husi OIPAS no 3);
- Relatóriu Observasaun Ba Eleisaun Prezidensiál Períodu 2017 – 2022 husi NGO La’o Hamutuk.
- Relatoriu Belun ba monitorizasaun eleisaun komesa husi 2007, 2012, 2017

Aneksu:

Lista observadór NGO Belun ba eleisaun Parlamentár 2018, inklui observador nasional Belun no Monitorizadór AtReS.

Lista Observador Eleisaun Antisipada Parlamentar 2018

No	Naran	Staff no Monitor	Programa	Sexu		Munisipiu	Postu Administrativu	Nu Telefone
				Feto	Mane			
1	Luis Ximenes	Diretor	Belun		Mane	Dili	Vera Cruz	7723 - 4406
2	Maria Marilia X. C de O. da Costa	Jestor Programa	FPS/AtReS	Feto		Dili	Dom Aleixo	7727 66 71
3	Romaldo Caetano	IT&DBS			Mane	Dili	Dom Aleixo	7842 5140 / 7724 3305
4	Casilda Gaio	Asistent AtReS	AtReS	Feto		Dili	Dom Aleixo	7755 9044
5	Izalde Pinto	Jestor Programa	KAJ		Mane	Dili	Dom Aleixo	7731 21 84
6	Fernando Carmo de Araujo	Jestor Programa	PAPK		Mane	Dili	Nain Feto	7736 77 65
7	Laurensius A. Lein	Jestor Programa	FPS/AtReS		Mane	Dili	Cristo Rei	7726 37 98
8	Antoninho de Deus	Official Programa	PAPK		Mane	Ermera	Hatolia	7741 2654
9	Samuel Salsinha Menezes	KM Ermera	AtReS		Mane	Ermera	Hatolia	7711 38 06
10	Victor Vidigal	KM Liquica	AtReS		Mane	Liquica	Liquica	77179782
11	Jaime Maria Ribeiro	KM Liquica	AtReS		Mane	Liquica	Liquica	7798 2001 / 7817 7439
12	Miguel Nunes	KM Dili	AtReS		Mane	Liquica	Vera Cruz	7740 17 65
13	Miguel Mau Soares	Jestor Edifisiu	Belun		Mane	Manatuto	Manatuto	7726 07 38
14	Domingos da Costa Lopes	KM Manufahi	PAPK		Mane	Manufahi	Fatuberliu	7860 41 12
15	Estevão Salomão Belo	Koordenador Munisipiu (KM)	FPS/AtReS		Mane	Baucau	Baucau	7775 3699
16	Francisco J. da Costa	Mediador Munisipiu			Mane	Dili	Cristo Rei	77288497
17	João Nogueira Ximenes	Koordenador Rejeiaun (KR) Leste	KAJ		Mane	Baucau	Baucau	77316109
18	Riqui Ricardo Cardoso	KM Covalima	FPS/AtReS		Mane	Covalima	Tilomar	7864 0633/7561 5969
19	Hipolito Moniz	Koordenador Rejiaun Covalima	KAJ		Mane	Covalima	Suai	77348573
20	Gradiana M. do Carmo	Madiador Munisipiu	KAJ	Feto		Covalima	Suai	77820082/7641 2000
21	Leonito do Nascimento	Koordenador Munisipiu (KM) Covalima	PAPK		Mane	Covalima	Tilomar	7826 49 78
22	Marino Fernandes	KM Bobonaro	AtReS		Mane	Bobonaro	Balibo	7766 4494/7545 5995
23	Nuno Bestias Tilman	Koordenador Munisipiu (KM)	AtReS		Mane	Ainara	Ainara	7742 39 67/7535 2385
24	Antonio Soares Seran	KM Oe-cusse	FPS/AtReS		Mane	Oecusse	Pante Makassar	7709 2896/7547 0545
25	Egídio de Asçensão Corbafo	KM Oe-cusse	AtReS		Mane	Oecusse	Pante Makassar	7865 7245
26	Egildo dos Reis	KM Viqueque	PAPK		Mane	Viqueque	Vikeke	7742 97 76

27	Justino Sarmiento Jeronimo	KM Viqueque	AtReS		Mane	Viqueque	Vikeke	7743 4574/7513 4186
28	Lourenco Adelaide	Jestor Programa	MCG		Mane	Dili	Dom Aleixo	77243555
29	Fernando Da Costa	Jestor Programa	PAPK		Mane	Dili	Nain Feto	77392253
30	Costantino Brandao	Jestor Programa	FPS/AtReS		Mane	Lautem	Lospalos	77246272
31	Brigina Francisco Martins Almeida	Database officer	HDBN	Feto		Dili	Dom Aleixo	77661309
32	Tonilia de Fatima dos Santos	Asistente Administrasau	Belun	Feto		Dili	Dom Aleixo	77130792
33	Luis Valadares Colaso	Monitor			Mane	Ainaro	Ainaro Vila	78066806/75258930
34	Sili-Lukas Faria	Monitor			Mane	Ainaro	Hatudo	75252145
35	Horasio Orleans Pacheco	Monitor			Mane	Ainaro	Maubisse	77856981/76535713
36	Rosalina Ximenes	Monitor		Feto		Baucau	Baucau Vila	77646787
37	Agusta de Jesus P. Ximenes	Monitor		Feto		Baucau	Laga	77919291
38	Isabel Maria da Costa Lopes	Monitor		Feto		Baucau	Vemasse	78702207
39	Jorge Tavares	Monitor			Mane	Bobonaro	Atabae	75796078
40	Mario Octavianus Soares	Monitor			Mane	Bobonaro	Balibo	76515794
41	Faustino Barreto	Monitor			Mane	Bobonaro	Maliana	77266567
42	Agostina Lopes	Monitor		Feto		Covalima	Suai	75456663/77637329
43	Agostina Amaral Liuc	Monitor		Feto		Covalima	Tilomar	76433669
44	Guida de Araujo Gutteres	Monitor		Feto		Covalima	Zumalai	75921253
45	Fernando Soares Saldanha	Monitor			Mane	Dili	Atauro	77084703/76620589
46	Julito Benvides	Monitor			Mane	Dili	Cristo Rei	78269456/75772323
47	Camilo de Fatima Pinto	Monitor			Mane	Dili	Dom Aleixo	77146048/76406471
48	Judit de Fatima	Monitor		Feto		Dili	Metinaro	77373238
49	Terezinha Resurreicao	Monitor		Feto		Dili	Nain Feto	77946786
50	Sebastao Pereira	Monitor			Mane	Dili	Vera Cruz	78181553
51	Egido Brites	Monitor			Mane	Ermera	Hatolia	78158211
52	Samuel de Deus	Monitor			Mane	Ermera	Letefoho	77522303
53	Egido Maria de Jesus Gomes	Monitor			Mane	Ermera	Villa-Ermera	77707325
54	Noe da Costa	Monitor			Mane	Liquica	Bazartete	76439248/77062401
55	Leonito Varela	Monitor			Mane	Liquica	Liquica Vila	76400757
56	Joao Pedro Leite Belo	Monitor			Mane	Liquica	Maubara	77750131
57	Jose Sufa Sila	Monitor			Mane	Oecusse	Nitibe	77442324/76024303
58	Jacob Elu	Monitor			Mane	Oecusse	Oesilo	76515729
59	Agostinho Taek Colo	Monitor			Mane	Oecusse	Pante Makasar	75354079
60	Julio Martins Mala	Monitor			Mane	Oecusse	Passabe	76035293
61	Agusto da Silva Lay	Monitor			Mane	Viqueque	Ossu	78173101
62	Paulo Soares	Monitor			Mane	Viqueque	Uatulari	77550715
63	Gilberto da Silva	Monitor			Mane	Viqueque	Viqueque Vila	77442787
Total					13	50		
		Staff						32
		Monitor						31
Total Observador Belun								63